



夢窓集一

詩辭

~16  
2320  
2327  
1

共五



2321  
1-5

夢窩集總目

卷之一

辭

詩

卷之二

詩

卷之三

燕行墳麓錄

卷之四

南選錄

夢窩集

總目



杜詩集句

韋詩集句

卷之五

疏劄

卷之六

疏劄

卷之七

疏劄

卷之八

疏劄

卷之九

疏劄

卷之十

議

竹醉藁附



華嶽絕頂

華陰雜詠 三首

德淵東淮亭舍感懷

臘月十九日僕僉族兄最良氏盛最與李友子

東海朝携酒訪吾兄弟于盤溪乘夕而歸席

上次最良兄韻

次子益 弟昌翁韻

別後疊用前韻

又疊前韻

又疊前韻 四首

江樓夕坐用子益立春韻

路上漫吟疊前韻

路上次子益立春用唐人韻

早發

水鐘寺

斗尾

曉發漢湖

過廣津

摩訶衍

萬灰菴

太子城

涉通溝前江

聞言事諫官儒生被譴

月串拜送伯父行次子益韻

被譴出任石郊次散襟軒壁上韻 二首

述懷疊前韻

次壁上韻 二首

次舒嘯亭韻

朝吟

自石郊歸楊山次少陵自灤西移東屯韻 二首

適見稻香亭詩板感懷次韻示僉知庶叔 壽萬

寄麟蹄使君 族弟盛大

歷訪三洲 弟昌協 追次少陵江樓夜宴韻 二首

雨後亂風

次香山喜罷郡韻

歸木洞

次少陵宴忠州使君姪宅韻寄呈忠州最良兄

進宴後叙復西樞

訪三洲

平丘新居次王建原上新居韻 十三首

次金友顯甫克光寄示韻

詠平城補元宗舊基

過北溪相公李公世白墓

次尹仲綱世紀韻

三洲與仲和弟昌協大有敬明弟昌緝乘漁艇

觀魚魚舜瑞有鳳家兒濟謙亦從舟中聯句

次魚舜瑞追賦船遊韻

妙寂歸路少憇湛華軒

次大有追賦船遊韻

士敬族姪時保曾有觀魚之約因病不來寄詩

次其韻

次大有題湛華軒韻二首

次杜律何將軍山林韻十首

又次重過韻四首

次李生澧題宋生懿錫草堂韻

節屆新秋老炎彌苦為就金君鎮夏池臺竟夕

納涼而歸追賦短律錄寄主人

次何大復秋興韻二首

次杜律秋野韻二首

敬次伯父谷雲先生韻十五首

上候平復還出東城

有事政府自凝香閣歷訪佚老堂最良宗兄初  
度適在是日酒席次子益韻

雨中無聊疊前韻

睡村相公李公畚陳劄匡掾承 嚴旨出城三

疊前韻

次宋詩送翁卷入山韻寄子益

次佚老兄韻寄子益

士修族姪時敏用堂字韻屬意寄示輒依韻和

寄

追賦昨會寄呈佚老堂

疊前韻寄呈佚老堂

和呈佚老堂

次佚老堂韻

走次佚老堂韻

聞蕉窻族弟盛後移地部步其前韻以寄

靜觀齋李先生端相遷葬挽

佚老兄以一律見投輒次其韻錄奉

社稷差祭用佚老堂前韻詠蟠松錄呈二首

承 命看審北漢城址李判樞順命金叅判鎮



圭 同行宿重興寺金台有詩輒次其韻 二首

玉洞過亡弟 昌立 忌祀感舊書懷次佚老兄韻

次子益騎牛歌韻

次佚老堂用蕉窻韻

次韻贈三淵 弟昌翁○二首

次佚老堂韻 二首

次佚老堂軸中韻

近聞景福宮多有賞花之行次軸中韻述懷

悼天 三首

次佚老兄 動駕後志喜之韻

生日小會志感

次佚老堂呼韻

承 命奉安 御容于長寧殿以一律志喜示

同行

以 殿試讀卷官宿春秋館

大報壇將事志感

次士敬懷雪山韻

疊前韻寄士敬

又疊前韻

遠心菴次三淵韻 二首

次族孫純行韻

藥院退直之夜 宣醞于三提調及儒川公子

謹次提相席上韻

次純行韻

太古亭次舜瑞韻

江上訪儒川公子

夢窩集卷之一追錄

正宗大王御製

覽夢窩遺稿 并小序

夢窩金忠獻昌集號也當辛丑建 儲時措國勢

於磐泰之安卒身殲而無悔焉姦節偉績與日星

爭光今見其文集如見若人茲書一絕于卷首庸

寓曠世之感云爾

家傳舊學是貞忠

宗社扶來不有功一死鴻毛如樂赴當時四老即同

躬



縱 恩遇之可懷奈筋力之已微我車已懸我馬斯  
奔泌之洋洋繞我衡門林木翳然我窩斯存一室澹  
虛有琴有樽檢遺經之留案喜古道之照顏欲講明  
而彌晦祗兢惕而靡安念天倫之好學半零落乎泉  
關歷三洲之廢墟吾不忍乎往觀若有人兮山中攀  
桂樹而不還惟稼齋之無遠混農圃而盤桓歸去來  
兮吾誰與而居游遂掩卷而永嘆盍反己而自求春  
意遍於原野聊逍遙以寫憂顧東作不可愆期爰出  
耜乎我疇渙彼漢水亦泛其舟心忽忽其靡薄植余  
杖于崇丘忽臨睨夫京國攬余涕其如流昔乞骸于

先朝曾不許乎歸休已矣乎荆湖悵望邈難及獨  
抱遺弓誰爲留胡爲乎茫茫然迷所之酬報已無地  
隕結以爲期憂實均於進退樂何有於耘耔詠不忘  
於周頌感黃鳥之秦詩嗟余生之幾何逝將上下乎  
九疑

詩

壬申十月二十五日夜夢余與一人在禁中忽  
聞 闕外有喝道聲俄見新除兩持憲同時承  
召入來余諦視之一則李廷謙又一人並武  
而至而衣冠甚儉素所着朝衫雖經新濯片片

如破荷色且渝微有紅暈僅辨其非白衣也余指謂曰是卽朴士元也兩人各有所帶僮隸而士元有小童三四人短纜數尺者後先扶擁方詣臺廳將行相會禮李則步履弛緩殊欠風稜而士元正色端拱邁往不顧截然有不可干者兩瞳熒熒射人一時禁中之人咸拭目聳觀盖起廢有新 命云仍察其兩脛似束行滕織削如枯木而運步則未見其艱澁也余顧謂傍人曰此人能不死今以此脚又能踏此 闕庭甚是竒事嘆賞不已俄而翻然驚悟乃一夢也覺

來了了若平生事其容儀舉止尚能森然於目中令人悽惋不覺悲涕遂賦一律以識之

夢裏分明朴士元峨然戴豸詣金門忽聞清喝傳雙闕未覺英姿已九原地下霜臺猶秉直人間湯鑊竟銜冤須看節義長昭揭無媿逢千萬古魂

次李生季愚

齊顏韻

茅茨縛得三椽屋淨几清窻揔可人滿塢白雲通後嶺過塘流水入前隣釋耕壟上松風遠罷釣磯邊薜月新物外超然遺世累北窻高臥葛天民

其二

麝香峰下農巖畔相望茅茨豈異人  
盡室未妨專一壑窮山寧恨少  
比隣出門泉石家家是  
臨水煙花岸岸新  
二陸東西何足詫  
依然身世即秦良

送老菴漫吟

風珮清冷地  
翛然一室閒  
松高看雪墜  
梅早問春還  
夜讀殷虛谷  
晨春響衆山  
溪橋斷來往  
獨閉白雲關

其二

散策空庭畔  
山颿起四林  
雪峰樵徑斷  
雲壑釣臺深  
鳥度寒塘影  
松分絕磴陰  
梅簷時覓句  
付與稚兒吟

其三

閉戶同兒輩  
披書到夜分  
窓明滿階雪  
衣潤宿簷雲  
凍雀棲難穩  
冰泉咽更聞  
寒燈懸半壁  
梅影轉紛紛

大有

弟昌業

內挽

癸酉

淑質天然惠  
且溫早持脩  
栗入寒門都  
閒自與常人  
別信覺銀潢  
貴氣存

其二

桃夭爭頌室  
家宜奉事尊  
章孝敬持二  
十三年如一  
日炯然輦  
悅誠無虧

其三

北麓相輝棣  
萼開庭闈  
日見竹堯來  
怡然各自攜  
童

夢齋集  
孺堂上尋常萬福廻

其四

攀栢深哀血共漣  
峽中辛苦幾經年  
藜羹糲飯甘隨  
分惟幸郎君一息全

其五

鼎峙茅茨幸不孤  
隔溪妯娌每招呼  
舍輿步履穿林  
壑此事窮途足慰娛

其六

出山初爲近門間  
却恨沈痾限起居  
忠養一心猶耿  
耿喚人買送漢江魚

其七

蚌胎乍剖掌珠圓  
誰謂先秋碧蕙捐  
短運未延川至  
福電泡人世儘堪憐

其八

忍論吾弟悼亡懷  
借老成言半道乖  
山月吊人床篔  
冷子規終夜近空齋

其九

何曾鍾琰倚高門  
娣姒雍雍禮讓敦  
窮阨向來均响  
沫至今銜感淚添痕

其十

平生驕習絕毫釐，主饋兼能執繭絲。  
蠶箔春來無復理，雲山空長舊桑枝。

其十一

綺紈驕養自兒嬉，雅操元來在綺縠。  
箱篋未看新製錦，歛衣強半嫁時資。

其十二

曾開華屋弼雲隈，燕賀翻成去故哀。  
零落只今篋篋撤，煙花深鎖洗心臺。

其十三

夷然臨化了，諸緣至痛猶憑一語宣。  
未見覆盆迴白日，可能瞑目向黃泉。

日可能瞑目向黃泉

其十四

何事萱闈慰暮年，眼前諸婦尚團圓。  
五年荼毒添新痛，獨抱繡孩哭向天。

其十五

王母高堂鶴髮垂，百年孤露仰含飴。  
至今每問平安信，咫尺存亡竟莫知。

其十六

鈴歌曉動戒靈輻，掩翳殘燈倚總帷。  
旌旆出門爭哭送，赤城墳樹摠含悲。



其十七

新阡密邇雪來瑩鬱鬱松杉一色平歸侍夜臺先我  
輩百年慚痛獨偷生

病中感懷伏次伯父下示韻

遼鶴難成故里歸北山門巷夢依依柳堤槐陌曾遊  
地都入行人指點悲

吾家門外有槐樹仲父宅前有柳樹故云

谷雲大谷村

暖暖桑麻谷口村白雲青嶂擁柴門誰知一路煙蘿  
外更有仙廬住上源

華嶽絕頂

中天積翠竦雲臺絕頂曾經一宿迴夜半星辰垂咫尺  
秋高鷹隼與徘徊

華陰雜詠

畫帖

山居作臥遊人看我作畫巖泉與粉墨誰畫誰非畫  
寶劍

古鏐撫如雪惆悵掛虛壁猶看光燭天山魑自屏迹  
逢僧

散步繞空林山僧偶自至雲水本同調相看兩無累  
來徃一壑耳笑別却多事

耳一作間

德淵東淮亭舍感懷 甲戌

東陽亭子德淵東水檻雲窗寂寞空人去松臺虛夜  
月客來蘋渚已秋風文章天地留詩卷物色江湖屬  
釣翁陳迹百年偏感慨古槐衰柳夕陽中

臘月十九日僕僉族兄最良氏 盛景 以凌陰之

役到冰湖與冰官李友子東 海朝 攜酒訪吾兄

弟于盤溪乘夕而歸席上次最良兄韻

脫略凌陰役能騎雪馬來佳朋隨又至臘酒坐仍開  
小榻論懷細空江撫迹哀殘生今日會莫惜盡餘杯

次子益 弟昌翁韻

江郊積雪照金鞍載酒兄來念弟寒窮谷卧深元病  
骨凌陰事暇即閒官家無舊釀疊還恥客有新吟句  
輒團借問歸期何日是過江能更卜清歡

別後疊用前韻

柴門相送動歸鞍天馬驕嘶夕日寒痛飲壺中猶有  
酒浪遊江外若無官功名似夢都成幻聚散如沙苦  
未團咫尺過從難屢得要須攜酒續餘歡

又疊前韻

村居寥落寡輪鞍積雪柴門卧歲寒豈有高情能謝  
世祗緣衰病不勝官吟從北岸梅香動與在南樓桂

影團鷗社舊盟猶未冷此心仍欲更修歡

又疊前韻

湖翁門館簇銀鞍留轄常聽玉漏寒棗萼交輝皆勝  
友蓬萊相喚揔仙官揮毫頃刻詩篇溢促膝尋常醉  
席團往迹竹亭渾寂寞至今誰復續前歡

右感懷  
屬子東

其二

鳧決樊籠馬脫鞍一身天放任孤寒蘭生深谷嫌當  
徑松在高山畏受官花木易衰難久盛月輪多缺豈  
常團終須晚計追先訓簞瓢雖貧亦自歡

其三

軟紅常畏染吾鞍一壑惟甘澗飲寒自是麋心終戀  
野從來雞肋易遺官閒愁喜倒深盃凸華髮羞臨小  
鏡團萬事人間惟信命百年無奈替悲歡

其四

我出何之但掛鞍超然孤坐小樓寒偏憐物色能留  
客始信江山不換官水落魚龍移窟遠天晴鷗鷺立  
沙團盈盈想得凌陰會幾箇清樽盡意歡

江樓夕坐用子益立春韻

暝色初沈日寒光尚辨冰風灘羣鳥警漁火一江蒸  
愁劇排難得年道挽孰能虛樓倚歲暮往事淚相仍

樓名  
望辰

路上漫吟疊前韻

羸駝意倦苦鳴鞍短日驅驅跋涉寒白鳥不驚如識  
客行人相憂豈知官橋邊帶雪吟肩聳江上敲冰釣  
笠團彼此較來皆冷落不知誰是占清歡

路上次子益立春用唐人韻

萬古崩心痛頻驚歲籥新殘生尚偷命宿草又回春  
近淚無留雪含湘有薦蘋應知北堂上望栢掩寒巾

早發 乙亥

清曉孤舟發篷窗試半開輕風收霧去初日漾江來

綠樹村居靜青蘋岸勢迴晴光愜佳賞歸棹莫相催

水鐘寺

古寺危峰下蘿陰細路分樓臨兩江水簷帶半山雲  
帆影禪窗落鐘聲過客聞雙林屢回首蒼翠漫氤氳

斗尾

一水連清漢扁舟載客還棹邊青嶂豁篷外白鷗閒  
遠樹平丘驛歸雲妙寂山蒼蒼松檟裏指點認鄉關

曉發泮湖

聞雞初發角巾亭好放扁舟下遠汀篷底燭明魚隊  
散沙頭棹觸鷺眠醒整襟坐覺盈風露倚槳行憐漾

夢齋集  
月星柔輒暗過巖際寺隔林鐘磬響泠泠

過廣津

暗覺歸舟迅居然二水間煙消楮子島日出廣陵山  
隣榜磨舫去沙禽掠棹還終南秋色近落帆定何灣

摩訶衍

禪房牢落有誰迎但見羣峰繞戶楹僧去獨留魯宿  
榻客來惟覓舊題名靈鳩廢院猶時下異草空階祇  
自生丹桂幾時還被斫也應山月十分清庭前有異  
草不知名

又有一樹稱挂向被一  
守宰所斫去故及之

萬灰菴

客至孤峰下空林閉小菴無僧常住著有佛孰來參  
井古生秋蘚窻虛引夕嵐悄然獨歸去落日火龍潭

太子城

相傳羅太子曾設此城云百雉今誰辨千峰祇自分  
空山虛照月殘壘但浮雲鶴馭遊何處仙笙渺莫聞

涉通溝前江

山從楓嶽遠江出麥厓長野客呼船急津夫引楫忙  
水明深帶綠沙白迴添霜利涉仍曛暮前塗欲杳茫  
聞言事諫官儒生被譴

日邊消息更堪論悶見浮雲閉九閩鐵面元來許

直氣布衣何更出危言縱能寒得奸臣骨誰復招還  
逐客魂我欲遠從吳市隱任教人世自啾喧

月串拜送伯父行次子益韻

己卯

春江曙色未全分城下潮來城上聞水路依微船已  
發渺然柔櫓溯流雲

被譴出任石郊次散襟軒壁上韻

丙戌

青門十里占幽竒近水田園氣色滋黃稻籬邊連數  
畝碧荷亭畔闢雙池吾方出郭歸無處爾已開軒待  
有時末路駭機今可戒林泉端合弟兄隨

其二

逶迤沙徑遶村傍桑柘陰中闢小堂山接一五陵佳  
氣近水從三角綠漪長池臺幾處堪留客花卉常時  
不斷香更愛茅齋最幽靜蕭然簾篔一碁床

述懷疊前韻

明時薄譴數非竒偏荷 洪恩雨露滋濟世才疎宜  
跋蹇歸田計熟未差池季鷹江上鱸肥日元亮籬邊  
菊吐時榮辱是非渾撥棄眼前惟有酒相隨

次壁上韻

野帶長橋水園依近郭山屋深千粟裏人靜百花間  
抱瓮時巡圃攜竿或釣灣樽中仍斗酒亦足散襟顏

其二

不道荒郊外名園落此中清泉引前後綠樹蔭西東  
喚酒荷亭雨看碁竹塢風尋常帶幽意塵慮自然空

次舒嘯亭韻

層臯宜遠眺小閣敞新楹日落川光迴秋晴野色清  
高情追靖節浪迹限春明已占優閒趣何須更用名

朝吟

輝輝晴旭散村墟軒檻涼生一雨餘野色纔分雲捲  
後林華尚潤露晞初園丁競納朝筐栗厨婢催收夜  
笏魚守此東岡專四美百年知爾世緣疎

自石郊歸楊山次少陵自瀼西移東屯韻

時秋夕

與大有  
同行

乍滯樅村裏還思栗里東丘園霜露感鞍馬弟兄同  
誓墓右軍志歸田彭澤風平生籬下菊留得幾多叢

其二

殘日五陵西催過北斗溪人煙散暮野禾稼偃秋  
畦川變非前涉林深失舊蹊還同問津者自覺客心  
迷

適見稻香亭詩板感懷次韻示僉知庶叔

壽萬

今是遺墟畔先翁又小亭溪回曾釣地樹老舊趨庭

秔稻秋畦熟葡萄夏架青森然撫陳迹落日倚虛櫺

今是卽曾王考長湍府君齋號遺址尚宛然廢後祀  
追構小亭於其西麓名以稻香窻外曾有葡萄架今  
無存矣

寄麟蹄使君 族弟盛大

溪嶽竒聞擅海東中天競秀玉芙蓉雲邊新結鷓原  
屋夢裏曾登鳳頂峰我已解符將欲去君能理屐倘  
相從秋風一札先飛報須待寒流石上松曾有夢  
登風頂

歷訪三洲 弟昌協 追次少陵江樓夜宴韻

徑轉山腰細江從籬外明聊成半日話詎盡一年情  
喬木瞻遺廟歸雲認遠城金村知己近莫怕夕陽傾

其二

秋水正時至三洲成一江急流疑捲岸高浪欲翻窻  
魚駭難成隊鷗驚不作雙胸襟方硯磊頓向此中降

時江流  
方漲

雨後亂風

急雨淒以止飄風勢忽狂陰雲渾蕩滴曛日亦蒼茫  
弱鳥飛疑墜麤沙走欲揚終宵攪客枕繞壁但彷徨  
次香山喜罷郡韻

紛紛得失不須嗟歸對東籬晚節花疎性豈能容世  
路閒情元合着山家還憐栗里留先築已厭台司報



早衙此去清江無十里釣竿時拂白鷗沙

歸木洞

失計隨榮祿多年棄弊廬庭荒痛掃澆樹密略芟除  
點埃奔熏鼠移書散壁魚呼兒拂枕簟清坐意何如

次少陵宴忠州使君姪宅韻寄呈忠州最良兄  
暮境難為別歸舟更罄歡偶然隨去纜忽已溯回灘  
古峽琴臺遠煙波斗尾寬臨舷一分散脉脉幾相看

進宴後叙復西樞

北闕推恩日西樞付職時史官宣 召旨府吏問歸  
期為國曾無效還朝詎有禪平丘判府事閒散分惟

宜

訪三洲 丁亥

度盡芳春獨閉門偶乘清興訪鴿原江光隱約分三  
嶼花氣氤氳滿一村沙上鴈來遵舊渚簷前燕語喜  
新軒居然穀雨成斯會羸得銀鱗佐夕飧

鴈沙三山閣新成而是日適為  
穀雨前灘方打魚取供夕飧

平丘新居次王建原上新居韻

可愛平丘北寬閒得所歸盤旋肯嫌獨籬落不妨稀  
地瘠猶宜粟林疎足採薇松楸更密邇日夕永瞻依

其二

特地卜居新荒涼絕四隣幽懷儘疎快活計自清貧  
日暮樵僮倦天寒織婢勤雖慚綠野勝棲息足容身

其三

簷低短壠側徑繞小川涯深巷堪栽柳間階可蒔花  
治繻尋釣伴學稼問田家軒戶新蕭灑山居恐太奢

其四

謀生性本拙况值歲仍饑禾穀收無實綿花摘又稀  
預愁催糶急兼恐授衣遲可笑猶防盜天寒插我籬

其五

憑軒野望遙秋盡轉蕭條籬帶霜凋蔓畦殘水損苗

疏泉苔已淨藝麥土新焦耕鑿生涯足謳吟荷 聖  
朝

其六

屋隅開小房晴旭滿深床樽貯白和酒爐熏清遠香  
移書整綉縹乞菊問緋黃懶散惟高枕時披種樹方

其七

軒冕多誤人歸來一葛巾簷楹屋是舊井臼地惟新  
桑梓餘貧業耕漁託老身偏憐華山色清拔出風塵

其八

蕭然野外村老病更誰存溪友分魚子山婆送菜根

治畦當廢路移木闢荒園窮巷堪羅雀真同翟尉門  
其九

病廢戶庭行臥聞流水聲簾疎零雨入階靜積苔生  
見客多憑几邀醫遠出城衰痾宜屏螿且莫說榮名  
其十

孤村依野驛荒徑度溪橋勸讀兒孫懶開懷少女嬌  
盤飧葵每折竈燼粟頻燒心境仍無累翬塵遠市朝  
其十一

幽居存野趣清坐息塵心醉至常思睡詩成獨費吟  
牛閒臥豐草禽靜得高林棲泊斯為可何須要遠深

其十二

北闕辭退餘東岡仍卜居貧愁聞夜杵老喜理晨梳  
歸馬知投驛行人見赴虛閒來何所業拈筆著新書

其十三

處世榮兼辱隨時止或行巖廊非夙望丘壑足餘生  
趣異閒忙地憂均進退情東陂甘守分聊耦野人耕

次金友顯甫克光寄示韻戊子

半世浮沈宦海中誰言各位到三公清時自有調羹  
手歸弄漁舟羨水東

詠平城朴元宗舊基

平城富貴昔熏天，別業初開雲水邊。可是樓臺無地起，肯教花石與人傳。豪華已矣餘墟里，形勝依然見瀑泉。殘日古槐多少感，且憑觴詠爲留連。

過北溪相公

李公世白墓

一閉泉扃詎復開，時危轉憶濟川材。猶殘六載公私淚，獨向青山灑却迴。

次尹仲綱

世紀韻

青牛背上獨遊身，爛醉高吟度一春。邦國安危公等在，不妨容我作閒人。

原韻

邦國安危佩一身，東山何事醉三春。提壺靜地尋花柳，倘學先憂後樂人。

三洲與仲和

弟昌協

大有敬明

弟昌緝

乘漁艇

觀魚魚舜瑞

有鳳

家兒濟謙亦從舟中聯句

春江日暖杏花開，三隻漁舟並着來。有泛泛波中離又合，搖搖灘上去仍迴。成淵魚巧脫橫江網，沙鳥翻過近岸杯。瑞倚棹高吟多逸興，不知遲景已西頽。明

次魚舜瑞追賦船遊韻

邂逅四昆弟，搖颺三隻舟。欲觀魚在渚，聊共鴈遵洲。日暖花相映，風恬浪漸收。清樽對落照，還惹暮歸愁。

妙寂歸路少憇湛華軒

谷口開微徑溪頭見小亭山禽政窺戶野客忽過庭  
柳暗雲嵐佳花明几案馨偏憐幽澗水清韻滿疎櫺

次大有追賦船遊韻

偶辦齊撓樂中流笑語開江山信美矣風日更佳哉  
沙鳥猜人過汀花笑客來沿河政高興肯放爾先廻  
士敬族姪時保曾有觀魚之約因病不來寄詩

次其韻

楊根太守佳期在忽見來書報卧病兩岸花飛春欲  
盡三洲魚上雨還多從知好事元如此坐失良時可

奈何借問下江何日是臨風佇聽權夫歌

次大有題湛華軒韻

己丑

移石仍爲榻牽蘿便作屏鼯馴借龕宿燕巧透簾飛  
谷口朝耕出窻間夜讀歸平生甘守靜不嘆過從稀

其二

愛君棲止處林壑自清泠圃潤春多雨窻明夜帶星  
疏泉通廢沼帖石護隕庭一枕垂楊裏黃鸝和夢聽

次杜律何將軍山林韻

野曠平丘驛江通北斗橋高軒占特地遠嶽際層霄  
城市元非樂林泉不待招寬閒仍物色暮境可逍遙

其二

積雨新開霽簾軒夏亦清晚耕催布穀晨夢怯流鶯  
樽裏新芻酒盤中不糝羹老來惟喜健每憶雪山行

其三

地僻迷三徑身閒忘四支攤書憑几案散策繞臺池  
勝景誰同賞幽情獨自知時攜釣竿出溪雨一簑披

其四

池遶蒹葭葉階翻芍藥花簷喧偏惡雀草動却疑蛇  
歸田已云晚去國不嫌賒短短疎籬繞誰知宰相家

其五

老圃青門遠高堂綠野開生涯在雞黍事業媿菹梅  
山客留詩去村童問字來小孫隨杖屨相伴步蒼苔

其六

已將床碧石仍復沼清泉堂下生蒿苣籬邊種木綿  
對飧惟有韭賒酒苦無錢只喜衡門外洋洋帶一川

其七

閒庭不鋤草虛室或燒香積雨雙池溢清風一榻涼  
時危紛寵辱身老任行藏借問披荷製何如曳水蒼

其八

人方力稼穡我獨事園池日日攜輕錘時時墮接羅

夢齋集  
回頭揔行路拍手亦隣兒種樹存遺譜尋常掌裏隨  
其九

上下池涵月二三峰出雲一作雙沼同涵月三峰半出雲今成午橋  
築誰勒北山文倦意青牛並閒情白鳥分鶯歌與燕  
語還覺太紛紛

其十

世事嗟已矣光陰無奈何丹心徒自苦白髮不禁多  
張翰惟耽酒梁鴻漫作歌桑麻猶可說留待野翁過  
又次重過韻

風情白傅集義理紫陽書諷誦常留案沈潛獨閉廬

發生欣草木游泳樂禽魚俗客還多事時來慰索居

其二

簷畔藤陰盛簾前日影移灌花常課僕應客輒呼兒  
野色連金谷江聲繞浹陂門庭太疎濶挿木補前籬  
其三

啜茗清眠後焚香靜坐時寬愁頻喚酒遇興獨吟詩  
老婦修蠶箔兒孫理釣絲還憐故山下竟遂鹿門期  
其四

自我東岡卧于今已四年園林成茂樹軒砌引新泉  
月俸煩公廩春耕借驛田餘生斯亦足俯仰却夷然

次李生灃題宋生懿錫草堂韻

曉曉桑榆外陶山第一村畦青多繞屋江白迴臨門  
野鹿人同靜林鶯燕共喧主翁無所事抱瓮向花園  
節屆新秋老矣彌苦爲就金君鎮夏池臺竟夕

納涼而歸追賦短律錄寄主人

大地難消暑空壇獨占涼徑來依老樹散步喜清塘  
山雨痕仍在林風爽更長提壺同野叟故故盡斜陽

次何大復秋興韻

幽花吐馥鴈流哀病裏偏驚暮序迴野色淒淒霜已  
落江陰漠漠雨頻來朋知漸覺寒暄少人事還將歲

月催藥裹無端渾敗意東籬虛負一樽開

其二

野老門前少客過青山一面靜垂蘿北窻高趣清風  
枕西塞閒情細雨簑事業世間誰得了優游物外此  
爲多傍人見我碁樽興錯把東岡擬洛波

次杜律秋野韻

庭甬長秋蕪簾垂室若虛沈疴猶藥裹涼氣已郊墟  
勲業誰看鏡生涯自荷鋤從來飽肉食不敢嘆無魚

其二

短短庭松翠垂垂水蓼紅簷鳴聞夜雨木落見天風



野曠鴻常止村閒稼已同秋來雞黍味吾欲獻王宮

敬次伯父谷雲先生韻

主人為卜此東岡半面疎籬替堵墻寂歷一庭無雜卉滿階惟有菊花香

其二

籬落虛疎不設扉歸然孤屋枕東陂隣人勸備偷兒患自信家無甌石資

其三

冷落村厨稀得肉菜根元合野人嘗婢兒解事相攜

出嫩艾陽坡掇滿筐

其四

得句兒孫各自傳濡毫索紙更紛然老翁剪燭看揮灑莞爾深宵倚枕邊

其五

蔣徑蓬蒿久已遍陶廬車馬自無喧炎涼去就元常態可笑何人大署門

其六

僑居非洛又非鄉冷落生涯惱孟光獨喚傭奴供櫛

拙四山無木雪茫茫敬明寓居石郊

其七

一介樵奴屢告痛老夫多是臥寒廬却慚山友偏相  
念雪裏分柴問野居

其八

再造 恩深一縷餘太醫當日下村間仍看御膳  
聯翩下獨對中涓淚滿裾

其九

市遠盤飧難下筋長歌彈鋏每愁人秋來頻得銀唇  
餉鄭叟又魚最有神

其十

短暉容易遞朝晡此歲惟看臘月餘冬至過來添一  
事手封新曆俵隣閭

其十一

屏風不捲戶猶扃臥聽寒僮起掃庭撥被坐來仍對  
卷南簷初旭徹疎櫺

其十二

行廊寂寂睡羣奴坐聽諸孫夜讀書俄頃雞鳴隣里  
動樵童處處應傳呼

其十三

積雪荒郊人迹絕蓬門終日不曾開時看疋馬聯翩

客報道陶山宋李來

其十四

曉聞飢雀啄簷喧獨臥涼床却忘言鴉軋中廊誰有  
過汲泉寒婢早開門

其十五

路傍堂斧尚穹隆指點風流鄭相公零落孱孫生業  
薄王灘煙水一漁翁過湖陰墓

上候平復還出東城庚寅

元日歡聲聳百僚孤臣歸馬動今朝銀臺公事皆催  
入藥院醫官不復招喜氣北宸春共溢憂心東路

雪同消丹忱耿耿猶餘念不覺 觚稜首屢翹

有事政府自疑香閣歷訪佚老堂最良宗兄初  
度適在是日酒席次子益韻

却慚池上鳳聽雨自蓮堂偶值懸弧節同霑祝壽觴  
雲低歌扇動荷淨酒筵涼彩服連花樹從今樂事長  
雨中無聊疊前韻

一雨仍終夕秋風灑滿堂思鄉堪理鳥憂國但含觴  
獨樹丁香老雙盆竹色涼連床兄弟話繚繞雪山長  
睡村相公李公會陳劄匡抹承 嚴旨出城三

疊前韻

夢窗集  
俱是江湖客同升政事堂屢前宣室席仍舉未央觴  
嚴旨何倉卒危蹤獨踽涼黃驪秋水濶風送布帆  
長

次宋詩送翁卷入山韻寄子益

百淵深處住精廬孤淡生涯一衲如鶴骨自輕凌海  
遍糜心元靜出林疎隣僧每過仍留偈遠友能來輒  
擔書多病老兄難可致夢魂虛繞碧雲居

次佚老兄韻寄子益

莫說危途邁劍關行時艱險坐來閒磔溪林壑猶嫌  
淺誰禁攜書老此間

士修族姪時敏用堂字韻屬意寄示輒依韻和  
寄

流年已晚晚蟋蟀上虛堂病肺宜高枕憂心可急觴  
樹含殘雨潤天泛片雲涼故山雞黍味歸興此時長  
追賦昨會寄呈佚老堂

吾王無疾動鑿時匍匐微臣望羽儀管籥輦前方  
喜色絃歌堂上忽佳期秋晴城闕收朝雨涼透簾帷  
送夕颺勝日賓筵真邂逅主翁豪曲更深卮

疊前韻寄呈佚老堂

病來休沐亦多時邂逅欣瞻隔日儀容易管絃仍自

至咄嗟鷓豆豈曾期晴巒當笏無留霜秋樹臨筵有  
過颺一出東岡誰與飲不妨終夕共舍卮

和呈佚老堂

江湖夢逐白鷗飛身計如何忽復違 北闕敦留紆  
異眷東門惠好負同歸大臣進退均憂樂末路行藏  
半是非明日 屢稵思奏事強扶衰疾試朝衣

次佚老堂韻

節序騰騰過此翁無奈何空留樽裏酒自發枕邊花  
老興非吾淺沈疴負爾多閉門常隱几落葉滿山家  
走次佚老堂韻

獨任巖廊責其如老病何猶時理餘牒無意賞殘花  
身共痴蠅蟄愁將落葉多詩筒忽開眼來自惠連家

聞蕉窻

族弟盛後

移地部步其前韻以寄

牒訴秋曹撥不開醉顏常似飲醇醅公論幸有天官  
在好爵能移地部來做度可愁連日直輪行亦有各  
倉回穀錢出人誠難察勘合文書尚慎哉

靜觀齋

李先生端相遷葬挽

清名卓節邈難追景仰高山有秀芝氣象春風曾滿  
座精神秋月獨留池危忠耿耿臨終疏壯志茫茫絕  
筆詩痛哭無人知大義千秋石室配遺祠

佚老兄以一律見投輒次其韻錄奉

憂國惟耽細細杯寒齋空自撥爐灰駸駸歲月催人  
老憤憤巖廊任衆吟詩軸更無秋後詠酒槽初壓臘  
前醅青門一律翻措眼爲報梅花已半開

社稷差祭用佚老堂前韻詠蟠松錄呈

護榦 天恩渥盤根地勢幽虬形臥復起笙韻夏猶  
秋屢被 君王賞長同國社留 奎章碧紗裏尚覺

御香浮

其二

偃蹇三柯古離披一院幽龍鱗社壇雨天籟禁林秋

苦節寒方見貞標老獨留曾經 仙蓋近尚帶彩雲  
浮

承 命看審北漢城址李判樞願命金叅判鎮

車同行宿重興寺金台有詩輒次其韻

鼎坐山中夜憂虞共一心綢繆存險要涉歷遍高深  
倚杖層巒夕牽輿絕壑陰千秋魏臣語堪爲 聖君  
吟

其二

廊廟同寅義招提一席親相期輔 明主先講得斯  
民地利從天險時憂豈塞塵頽波誰一柱弱力愧千

句

原韻

乙卯冬先人奉命來審北漢不肖今又  
作此行而天時人事適多相感者聊寓言  
志

弱國綢繆計餘生感慨心山谿險雖極根本慮猶  
深撫蹟惟殘雪傷時又積陰公私無限恨竟夜只  
悲吟

又呈右揆判樞兩台案

憂國誠同切通家契並親北風愁暮景西警聳疲

良卽事堪流涕茲行幸躡塵人和優地利深筭望  
洪勻

玉洞過亡弟

昌立

忌祀感舊書懷次佚老兄韻

萬事滄桑後山家又一春蓼莪千古痛棠棣九原人  
木老猶殘舊亭頽不復新冰泉助嗚咽血涕墮襟頻

次子益騎牛歌韻

角者吾知牛鬣者吾知馬馬牛各天性馬俗而牛野  
我生喜野不喜俗捨馬騎牛故山下騎牛騎牛有何  
樂此樂世間無知者差差白石灘淖淖青泥坂我馬  
踟顧莫能前我牛不疑行舒緩折取路傍桑柳枝有

時鞭之坐不歌坐不歌今身自安虺隤可是比黎眉  
扣角行歌歌自樂百年至願無過斯人言孟相好騎  
牛異哉此翁又爲誰牛飢齧草渴飲泉自行自止信  
所之我自樂此非慕古人風爾莫論古今人同不同  
堪笑甯戚車下歌羞道秦家牛口翁騎牛可樂騎馬  
苦如何又駕丞相車丞相車高駟馬騰其憂甚大終  
難舒青泥坂白石灘回首斗川雲水虛吾將喚取我  
牛來騎出關門永歸歟

次佚老堂用蕉窻韻 辛卯

疎懶元來適俗難閉門高臥絕追歡簷聲夜聽騷騷

甬山意朝生惻惻寒雞肋功名誰一擲羊腸世路自  
千盤樽中舊瀝猶存否欲寫沈憂奈萬端

次韻贈三淵 弟昌翁

雪盡春明路春生雪嶽山飄颻爾物表蹙躡我塵間  
可道輕親愛猶能有往還歸歌紫芝曲漠漠又商顏  
其二

洛下還爲客山中卽所歸吾心自惜別爾道豈云非  
拂袖辭紅軟投筇躡翠微臨分不下淚恐濕薜蘿衣  
次佚老堂韻

日日辭單上朝朝 批旨來撕捱亦知罪經濟奈非



才自解二宜去人嘲三不開江湖春水潤歸夢釣魚  
臺孔幾日吾年至一宜去吾不能進退即官二宜去  
五代馮胤孫不開口論議不開印行事不開門廷  
夫士大

其二

霏微花信雨搖颺柳絲風山色無深淺禽聲有異同  
尋單吾欲退修刺客誰通桂蔣春光暮關門作醉翁

次佚老堂軸中韻

閒愁兀兀但撚鬚憂國尋常仰屋吁竊位深譏知不  
免救時良策媿曾無 溫綸不許歸鄉里珍膳時頒  
出 御厨感激 君恩難便訣誰云進退綽然乎客有

來嘲重入政府後有  
何事業故篇中及之

近聞景福宮多有賞花之行次軸中韻述懷

上林春色簡儀臺日日遊人佩酒來病客自憐門獨  
掩但聞扶醉放歌迴

悼天

抱孫當晚景弄爾得春暉每欲身留膝寧嫌尿汚衣  
方論幾日步遽作片時違兄姊先岡側哀哉去可依  
其二

得爾常娛弄忘吾有百憂遙呼能辨識近過輒來投  
曾信無呻憊翻令失護收微病仍暴化痛恨竟誰尤

其三

婦人偏愛少爾毋尚餘哀漲乳今誰索柔腸昔已摧  
將何忘此痛不忍見他孩枕上時時泣依稀入抱來

次佚老兄 動駕後志喜之韻

鑾輿曉出萬燈明大旆央央已啓行庶驗 聖躬無  
疾病遠從 仙寢展精誠六軍兵氣霜添肅一路塵  
氛雨洗清士女聳瞻同喜色羽旄過處見羣情

生日小會志感

人於生日倍當悲每誦先賢有此辭小會偶成非所  
喜諸宗適至豈曾期豆籩湛樂看存沒桑海餘頑閱

盛衰勉受樽前爭起壽還教感淚落深卮

次佚老堂呼韻 壬辰

槐柳交陰處門庭盡日虛真堪廷尉署誰道相公居  
室裏凝塵遍簾前落雨疎居然伏枕久便作病相如  
承 命奉安 御容于長寧殿以一律志喜示

同行 癸巳

畫 日暮 天繪事新九門擎出 七分真秋清輦  
路沿三郡波晏樓船涉雨津田野縱觀奔士女海山  
長衛會靈神 龍顏儼御金湯地永遣鯨鯢自戢鱗  
以 殿試讀卷官宿春秋館

夢集  
下鑰宮門夜色迢俄然清漏報更籌松聲風滿春秋  
館雪色月高 龍鳳樓地分深巖身似夢天灾稠疊  
職思憂一生點檢終迂拙多媿 君恩乏寸酬

大報壇將事志感 甲午

禁苑西偏創祀儀 聖情聊寓下泉思 恩深再造  
終無忘義起千秋庶有辭黃幕壇高 清閔是白雲  
鄉遠赫臨斯恭惟 陟降應昭假靈雨年年輒若期

次士敬懷雪山韻

逃世真同亞飯干老來筋力未全殘菴留絕頂披雲  
到峰繞危樓作雪看一壑幽情超物累百年高躅挹

清寒惟憐老伯相思處千里光分桂影團

疊前韻寄士敬

門前自少客相干藤枕蒲茵午夢殘庭對老松新有  
種案留名畫古宜看溪雲晚迭霏霏氣山雨春添惻  
惻寒朗讀放翁詩數板一甌聊復啜龍團

又疊前韻

春來歸夢落江干執掌何堪力已殘無事豈如辭位  
去有書那得閉門看時憂莫說頭渾白世味偏嘗齒  
欲寒一棹煙波誰見待祗應鷗鷺滿沙團

遠心菴次三淵韻

精舍成頗久幽筇到自遲  
流雲常翳戶零雨欲鳴池  
埋沒曾無主經營亦有時  
孤琴蘿徑外獨往不須期

其二

自愛三池勝兼專一壑  
竒誅茅新結屋引薜便成帷  
樂意池魚動幽情谷鳥移  
巖泉清似玉吾欲濯纓斯

次族孫純行韻

積雨西林外香煙繞古書  
閒雲隨杖近止水映襟虛  
山養經片木畦滋灌龕蔬  
隣翁乘漫興石徑有鳴輿  
藥院退直之夜 宣醞于三  
提調及儒川公子  
凡在瞻聆孰不歡聳謹次  
提相席上韻

漱灑宮壺酒 恩垂雨露天  
今宵宜盡醉昔夜不遑

眠大慶謳吟遍深誠保護  
專顧慚叨 聖眷先荷席

初前

次純行韻

戶掩常垂箔簷留未剪  
茨林風香易燼庭雨蘚頻滋  
習靜元稀出探幽有不期  
白雲惟可悅舒卷兩相宜

太古亭次舜瑞韻

西溪餘雨尚廉纖落日楓  
陰繞四簷殘夏園碁思涼  
水清風欹枕慕陶潛泉聲  
古閣涼盈檻山色新齋翠  
滴簾終夕解衣槃礴地人  
間不信有蒸炎

夢窩集  
江上訪儒川公子

公子方高枕逢人引上樓  
湖平鏡如拭沙白雪疑留  
簷日難爲暑帆風乍覺秋  
霞觴聊對飲渾若不曾愁

夢窩集卷之一

夢窩集卷之二目錄

詩

視師露梁追賦一律記事

過東門適值夕祭聞兩筵哭聲不覺墮淚遂瞻

拜新廟遲徊舊庭歸占一律寫懷

贈申正甫靖夏北幕之行

曉起詣候班三首

秋夜

清風溪宗會後追述所懷示諸宗求和四首

士敬乘月來言被隣友所邀纔從棲雲菴歸仍

出示所吟一律令人不覺起興遂次其韻却寄

聖候近又進退不勝憂慮之忱疊用前韻竊寓禱祝之意

和士敬屬三淵

疊前韻

至日曉詣闕問安

過東門志感

論事疊前韻

除夕述懷用宗會詩韻四首

寄龔齋族姪時保

見差祈穀祭官詠事二首

曉起詣闕

丙申正月二十六日候班纔罷命判府事領

左相引見于寢殿既退略以五言敘述

大有初度翌日雪中往會三首

曉吟

次士修寄贈韻

次子益將向北關韻

次朱子古詩十二首韻

老稼齋日聞喪車出城輒過前路向北叩感而  
有作

石郊十六詠

引水入池

次韋蘇州韻

和純行寄詩六章

散步過張家村

詠杏湖遊

喜士敬甫以族姪時澗並繼來訪

聞鶯

次王維輞川閒居韻

朝吟

哀失母雞兒

次朱夫子山北記行十二章韻

夢窩次純行韻

疊前韻示李澣

寄疎齋李公願命。三首

次士敬寄示韻

申獻納靖夏挽

聞新村寓中趙台幼亮泰采自三浦乘舟上來

睡村相公亦赴會遂用前韻寄意

次唐律韻示李漉

新秋郊居次西谿軸中韻

次楓溪會席韻

金判書鎮圭挽

李尚書光迪丈回榜宴適屏蟄城外不得與筵

賦二律以伸欽艷之懷

曉吟

次人韻

特降 手札遣承旨召之請 闕登對日暮歸

家定而趙公正萬士敬皆來會定而有詩遂

次其韻三首

次定而韻

溫泉聯句

次潘岳悼亡韻

次白樂天悼亡韻二首

李鎮安顯益挽

家兒以調馬向右郊仍與士敬諸人約會口占

一律寄之

次士敬韻寄水站之行



聞將泊舟溪湖之間感懷疊前韻

次庶從弟昌彥賦牧丹寄示韻

閱判書鎮厚挽

伏見 御製中有景賢堂錫宴日一律奉玩摧

咽敢用 御韻投血而書仍要同社諸公追

伸賡載之忱

奉別疎齋李相公告 訃之行

肅宗大王挽詞 十首

純行赴三山春府茅洲有感懷之作遂次其韻

以贈其行 四首

仙源先生祧主移奉于清風溪之影堂士敬示

書感之作遂步其韻却寄 三首

雨以挽 三首

除夕感懷

次士敬守歲韻

次閔上舍士澄 泓韻

昨者閔上舍又以古詩一篇來示不可無木瓜

之報遂用前韻自述感懷却寄

次三淵寄示韻 二首

閔上舍用廻字爲三疊輒復效嘖而因蒼梧語

不覺觸感仍述悲懷

次昌彥題和歸去來辭韻

次龍江主人 金克光韻却寄

明陵志感

書畫像顛末

差祭社壇見齋庭蟠松枯損感而有作

視師

宣政殿感懷

社壇 親禱纔十日而大雨沛然不可無志喜之作得古詩一篇仍寓求退之意

夢窩集卷之二

詩

視師露梁追賦一律記事 乙未

儼見層壇玉帳開春晴沙岸淨氛埃旌旗井井三軍  
肅笳鼓喧喧大將來戰合日中如暈匝陣收江上逐  
潮回書生膽氣猶思奮倡義長驅敵可摧

過東門適值夕祭獨坐小齋聞雨筵哭聲自不  
覺墮淚遂瞻拜新廟遲徊舊庭實有山陽之感  
歸占一律寫懷

風流佚老好襟懷日日輪蹄自滿街倚瑟豪歌驚一

座當樽佳卉護層階耽觴李白長思醉荷鍾劉伶便  
見埋庭宇亦隨人事變舊遊無復覓高齋

贈申正甫

清夏

北幕之行

夷然誰肯向邊頭念子清癯獨遠遊學士堂中辭視  
草將軍幕下去參籌身臨瀚海雲隨旆夢入瀟川月  
滿舟三峽詞源應倒盡關山物色少分留

曉起詣候班

趁班整簪笏東方方曙霧煌煌雙燭籠照我輿前路  
金闕始開門棲鴉散苑樹

其二

大庭朝已盈承宣下銀臺問安請中官紫衣紛往來  
班退詣藥院承候晚始廻

其二

聖候未全安餘憂曷其已太醫非不多無人究源委  
皇穹自垂佑勿藥終有喜

秋夜

秋夜一何長愁人難可度虫聲起四壁唧唧如哀訴  
輾轉不能眠曙輝已生牖矯首向龍樓曉寢能安  
否

清風溪宗會後追述所懷示諸宗求和

眇彼庭中木一幹生千枝知為百年物交互相扶持  
油然忽興感吾人亦類斯末葉雖疎遠寧容有乖離  
同根義所敦三復葛蘿辭

其二

四海雖兄弟莫如同姓親親黨在所恤世居况一隣  
哀樂與禍福人事自相因斯或有惻然豈殊行路人  
臨筵為一慨相勉斯申申

其三

瞻言石室山松栢閱百年二祖親已盡感茲人代遷  
年年一會莫永世庶無愆無端或後人情禮豈其然

孝思在追遠亦願同勉旃

其四

有肴各在盤有酒且盈樽斯會諒非偶老夫寧無言  
言訖更命酌和氣藹春溫俄然下晚塘人影散林園  
遲徊有餘思仰瞻忠孝門

士敬乘月來言被隣友所邀纔從樓雲菴歸仍  
出示所吟一律令人不覺起興遂次其韻却寄  
夜鐘鳴後客來稀倚枕方思臥卸衣訪我忽乘明月  
到知君纔帶暝雲歸趁期蘿徑延清賞留句蘭窻下  
翠微聞此悠然仍起興更須攜去問禪機

聖候近又進退不勝憂慮之忱疊用前韻竊寓禱  
祝之意

出納文書未易稀 玉樓寒處每宵衣 太醫診候三  
時入宮女傳更五夜歸 一念憂勤忘痛甚 千方藥餌  
奏功微 皇穹終始應垂佑 殿閣春生決萬機

和士敬屬三淵

迹似閒雲出岫稀 乍來旋拂入山衣 千年故國穿林  
去 五歲遺墟蹠雪歸 馬上詩成資寂歷 床頭書在盡  
精微 相隨麋鹿渾忘害 回笑人間足駭機

谷雲弓喬墟在所歷梅月遺基在谷雲間路上得詩頗多同行中有携中庸者將欲留講故詩中並及之

疊前韻

閉戶蕭然出入稀 時因公事索裳衣 兒譁不叱常開  
笑 客至須迎莫挽歸 覓句旋忘從粗率 看書還掩闕  
深微 此間真意元如此 腔裏何曾強設機

至日曉詣 闕問安

曙色葱籠列宿稀 雪中銀燭晃朝衣 門開闔闔隨班  
入 庭溢衿紳獻祝歸 豆粥傳來知久遠 奠書分布遍  
遐微 從今日影應添線 宮女窻間驗繡機

過東門志感

嗟君休恠我來稀 感淚尋常自濕衣 此日相過誰有

遶當時不醉卽無歸樽壘散落風流盡庭院淒涼夕  
照微舊迹欲尋歌舞地依稀何處是懸機

論事壘前韻

屢玷台屏一世稀半生 君食又 君衣受 恩最  
厚寧忘報行世多艱每說歸良有顛連憂已急國無  
儲蓄弊非微區區指切皆時務戎事惟宜不失機

除夕述懷用宗會詩韻

惛惛久不歸田園日曠廢山林與廊廟彼此失經濟  
三徑任就荒松菊留舊砌霜露感相仍丘原每揮涕  
誓墓負初心遲徊嘆身世

其二

昔我六青軒松栢鬱連枝但謂百年間永言相護持  
滄桑中蕩析凋落遂至斯死者不可作存亦多睽離  
睽離當奈何感嘆常棣辭

其三

人生縱得壽誰能度百年百年亦一瞬歲月易流遷  
吾衰固已甚膂力亦云愆萬事摠悠悠一退始超然  
軒駟是何物浮榮宜舍旃

其四

丁丁打餅聲盈盈栢酒樽老夫但感惋兒女紛笑言

鬢霜又應添心灰寧復溫晉公午橋庄司馬獨樂園  
吾亦愛吾廬晚計在衡門

寄聾齋

族姪時保

聾翁好攝生先從盥漱節每日朝暮間服食非一物  
左右能解意供奉罔或闕顏色勝紅玉鬕髮如玄菽  
動作曷嘗疲吟誦亦不輟難老乃如斯誠得修養術  
見者咸嘆異造化謂可奪騎馬偶出街騰躍在倉卒  
落帽驚萬人不瑕傷筋骨朋知競來問治法紛相說  
老夫獨有言持敬無乃忽平生但耽詩詩思政道逸  
一念在推敲焉知有銜繫苟能操斯心此患非所恤

保齋固爲善收放亦云切所以內外養合有後先別  
聖人肆垂訓終始貴主一我言諒非耄勉思懲今日

見差祈穀祭官詠事

丙申

三更始起寢四更仍行事連幕雲欲逼列燭星爭避  
登降壇墀間屬屬奉深禱微臣體 宸誠庶幾感天  
意行當見秋熟屢豐呈上瑞

其二

籩豆薄言徹鐘漏時未歇退還仍簪笏翹首望 雙  
闕憂深自不寐耿耿待明發東方欲曙輝西嶺纔落  
月車徒已來否趁班莫倉卒

曉起詩 闕

春宵日以短我睡自難着輾轉每向晨簷雞鳴喔喔  
喔喔似催曙起來看天色落月欲西淪去嶺纔數尺  
東方已蒼涼趨班時且迫雙燭引輿明疎星隨霰落  
隣宰已先我道中留轍迹我行豈虛徐去去瞻宸  
極奔走是義分敢嘆不遑息

丙申正月二十六日候班纔罷有命判府事

李<sup>樞</sup>領左相留待俄而引見于寢殿兩相公

問聖候已而上下教曰廟堂有稟定事否

遂陳耽羅御史入去後可行數事臨罷又教

曰經界之不正久矣予嘗有意每欲言之頃見  
左相劄辭正合予意其法亦簡便宜亟舉行咫  
尺前席酬酢如響民憂國計雖在靜攝之中  
其拳拳不忘如此而出入之際竊觀服御之物  
亦多儉素歡忭欽仰之忱有不能自已既退略  
以五言叙述如左云爾

百僚班欲散命留三大臣俄然皆引見午漏初

傳辰前瞻五色雲後躡二老塵殿影日遲遲池華冰

粼粼外庭寶幄垂內屋金屏陳<sup>以帳隔內外</sup>深嚴是永巷

欲進屢逡巡瑤墀自紆曲丹檻何嶙峋小宦行相引



閣外告來賓每引見時小疾趨詣臥內禮若家人

親威顏甚密邇八彩逾精神聖候纔仰問廟謨

仍俯詢拳拳特紆軫邈彼耽羅民一帆送繡衣十

行宣絲綸特頒告扶攜應感泣喜氣回嘖呻臨筵又

發嘆經界久不均卿劄甚簡便宜亟正畦吟堯言豈

中窾玉音却諄諄仍看服御物一切屏華珍几床

既凡陋衣櫛非侈新紫綠拆寢簟寢席紫青綿補弊

茵以青布補緝應知弋綈化已遍諸妃嬪愛民寔出

誠尚儉亦無倫盛德有如此足以感神人美疢適

一時聖筭應千春邇來阻前席排闥無由因今承

天上語真似夢中身從容下殿遲日影欲侵申庭中

影出閣門外問別退還若有得攢忤誇臣隣何

大有初度翌日雪中往會

世俗重初度君獨等閒過悲痛宜自倍燕飲如之何

親屬亦無會豈曾嫌寥寥閉戶臥崦嵫春雪但飄颻

其二

憶在玉河館與君逢是日燕歌與虜酒俱非可娛物

填篋但唱和鄉國渺難思今夕亦悄然猶勝遠遊時

其三

昨雪仍崇朝林壑何皎然偶乘子猷興訪君西山前

有酒一小壺有肴雙拈魚一杯或二杯清意問何如

曉吟

兩月日間安一朝停候班趨班有定時欲曙未曙間  
始言今夜睡可以到天明時至睡自覺聞雞心復驚  
門外若有人騶從已來未忽忘停候 命便欲攬衣  
起起來翻悟非 龍樓但回首夜寢果何如望望承  
安否

次士修寄贈韻

百年尊仰在師門薄俗誰知道所存斯世誠難容此  
義大臣須合得其言爭春桃李玄都觀消日碁樽獨

樂園只有時憂均進退陶然寧欲醉昏昏

次子益將向北關韻

一出百淵辭永矢睠言華陰可去矣華陰歲暮且淹  
留鬱鬱幽懷不自已關山直北是夢想每欲遠窮青  
海水彈丸鰈域亦未遍千古恐爲子長恥阿咸出宰  
近塞門已料吾弟心獨喜春風二月拂衣出疋馬單  
劍從此始曩屨一嶺卽初程積雪嗟峨黃雲起磨天  
磨雲問幾重其險也知甚於此去去應陟白山頂領  
略寰中流與峙蕩滌胸襟亦一快然後可以回鞭轡  
知爾結恨在燕雲此行亦足酬壯志

次朱子古詩十二首韻

而我樂名山快意陟層嶺登高必自卑古訓斯垂永  
為學信如斯感懷殊耿耿

右登山

其二

上古不鳴條中世多折木山川並震蕩天地疑傾覆  
薰琴世已遠澆俗誠堪惡

右值風

其三

霄漢絕纖翳夜氣清以肅水輪出未高已燭幽人屋  
四海共斯輝非我所私獨

右翫月

其四

有客問柴荆晤言忘日夕春暉豈不永我懷殊未極  
戀戀出門送前塗戒迷黑

右謝客

其五

粳粳出良耜農事豈容緩時雨亦無愆湫澗溝塍滿  
於焉不努力秧苗應短短

右勞農

其六

道者是吾道淺近非深冥講明有賢師尊信無乖爭  
陳相遂倍之鄒孟責丁寧

右講道

其七

睠言北里人日夕相從遊世故忽乖散我思便悠悠

有唱誰和予悵望空夷猶

右懷人

其八

東方有一士雅性愛林丘浮雲靡定居行止良可愁  
今焉已老疾關嶺又斯遊

右倦遊

其九

著書在何年錦里獨掩關分明臨篔簹言身後遽生姦  
三復撫陳編嘆息賓主間

右修書

其十

我言苟匪忠天意宜其厭容光有遺燭闕德誰能砭  
浮雲可奈何燕居但深念

右宴坐

其十一

上山白雲間下山青林底上下別有展互去前後齒  
回瞻踐歷地迢遞餘幾里

右下山

其十二

故園有松菊一別為幾秋三徑可蕪沒末路難沈浮  
歸哉春酒熟亦足忘吾憂

右還家

有作

東郭有高樓下臨北中路薤歌每出城喪輦聯翩度  
城中百萬家死者日幾許東西有山岡各各分道去

送死自有門貴者亦無別哀哉城裏人皆從此門出  
得出南大門獨有俛仰翁相傳為美談未見追高風  
今觀富貴徒醉夢誰復振神武少掛冠甲第紛發軔  
發軔正何如列炬明於晝旌旻自逶迤誅辭翩左右  
賓客亦隨後車馬競奔馳至門一哭散逝者知不知  
吾聞昔賢歸餞逸傾王都華軒列百輛美酒羅千壺  
觀者填城門皆稱大夫賢還鄉延故老故意樂餘年  
借問今世人哀榮較孰優以此而易彼諒非我所求  
好在東大門得出今亦有請謝抱關者能記其人否

石郊十六詠

樊遲請學稼夫子讓老農吾弟本京華能知稼穡功  
半生處畎畝自稱田舍翁

老稼齋

小軒臨絕岸高出梧竹林灑灑樽中酒泠泠案上琴

散襟軒

一飲復一彈聊以散吾襟

夕涼亭

青荷出水中已自含涼意水輪俄東上清露時時墜

楚楚軒

虛欄湛永夕蕭散遺塵累

七月樓

亭亭一老松偃蓋臨我堂秋來盡黃落愛爾獨蒼蒼

幽人每盤桓清籟灑巾裳

禾黍遍前野秋日臨小樓蟋蟀入我床田畝正宜收

我稼既云同役車其亦休

朝看谷口耕暮觀川上漁來還入小齋床有古人書  
時時讀一遍其味果何如

還讀齋

隴上一草亭臨眺無所礙輟耕輒來憇虛欄倚我耒  
悠然見華岑空翠殊可愛

釋耒亭

窄窄彼小窩真同蝸牛殼容膝既云安曲肱斯可樂  
緬懷土室翁時義無今昨

曲肱窩

閉門忘節序不知春已及農夫向余言澤中菖蒲綠  
東作此其時耕器宜先葺

告春關

老奴告主翁今日耕東菑負耒出柴門小犢鳴相隨  
試聞布穀聲播種已催期

出耜門

略約衡門下源源入池水是宜飲我犢牽來臨清泚  
呼兒視上流恐有洗耳子

飲犢橋

齋北有小扉是向鋤臺路林木互掩翳出入迷巾屨  
雖設亦常關寧容俗子步

翳如門

有泉來盈科有石仍成梁游鯈頰可數潑刺共洋洋  
誰能識其樂欲與莊翁商

觀鯈梁

幾月緣南畝嗟嗟我婦子耘功始云訖洗鋤時可矣  
相攜向松陰下有清泠水

洗鋤臺

獨立壇之上三峰嘆竒絕蒼翠落我前秀色可攬結  
欲去復遲徊夕陽更明滅

空翠壇

誰取他山石立此清池上亭亭水中蓮有意自相向  
吾欲向君拜高標凜可仰

凌霄石

引水入池

池廢為開堙且待春流灌時雨川上至清渠來渙渙  
居然上下塘瀲灩渾浸岸天雲已寫影倚杖為臨翫  
美哉水之性晝夜無間斷虛明絕查滓清曠似江漢  
在人心亦然利慾常汨亂君子苟體驗至理元同貫  
嗟哉吾黨士惺惺宜可喚

次韋蘇州韻

曉雷忽送雨晚風乍捲霧杜鵑開滿園布穀鳴在樹

宴坐念平素狼狽亦何屢莫言非我廬隨處可安住

和純行寄詩六章

瞻彼聽澗堂有峰臨嵯峨清泠萬里瀨澹澹循壻過  
我昔愛庭松來往屢摩挲

其二

摩挲今有誰後生同婆娑梅花政如雪歡娛顏半酡  
欲賞一城春移樽登北阿

其三

北阿眺望遠滿城桃李多花間遊冶郎雙雙鳴玉珂  
但愁風雨驟繁華能幾何

其四

幾何春已去嘆惜爾無那浮雲自變態世道劇頽波  
萬事有如此嗚嗚但長歌

其五

長歌甚痛哭尚寐欲無吡憂心但悄悄老髮自皤皤  
惟當尋初服永言披芰荷

其六

芰荷有舊製素絲非五紵攬萑懷余美但恐視蕭莪  
一心抱耿耿芳洲行獨哦

散步過張家村

在朝苦奔忙出郊太閒逸懶慢遂成習臥起常一室  
園疎董生迹榻穿管寧膝雨餘忽開軒喜見三池溢  
池邊聊試步林水翳春日蕭散松栝間提攜仍弟姪  
矚茲張家村井臼頗秩秩隣好共陂塘生理分桑粟  
各自樂耕耘何曾憂得失偶余過其門父老恠我出  
相引指之笑彼哉今再黜行世諒可知事君應無  
術聽之若不聞誰能卽辨詰歸還只感嘆是應沮溺  
匹

詠杏湖遊

病弟廢盥櫛衡門常閉鎖出或曳杖行入卽鳴琴坐



夢窗集  
林垞久索居江海忽遐想扣柵下渺茫寒蓬坐閒敞  
左攜雙玉瓶右提層朱榼盍簪朋不期吹簫客又拉  
簫聲兩岸聞棹影中流閃東坡泛赤壁子猷訪清剡  
依依垂柳門隱隱臨水榭繫纜客子入解榻主人迓  
終夜展良晤明朝泛極浦風起蘆洲林雲迷薪谷樹  
篙師穩放船漁子急收網荻魚騰入座河豚怒吹浪  
膾看白雪飛羹雜青芹煮風味嘆竒絕春興恣容與  
肴核自狼藉筆翰紛揮灑清遊誠跌宕幽懷頗遣寫  
所會摠諸族但恨少一人安得與同舟永逐鴟夷倫  
喜士敬甫以族姪時潤並轡來訪

春日層軒外辛夷滿樹開無人能共賞有客忽同來  
柳下停雙騎花邊喚一杯從容清晝永歸意不曾催

聞鶯

春窻不知曙忽聞黃鳥鳴幾時始出谷間關如有情  
清音已堪聽况復有佳色豈比百舌禽若讒在君側  
嗟爾止丘隅亦爲聖人與知止卽無殆吾何不如汝

次王維輞川閒居韻

霽色延清眺扶藜獨倚門秧鉞皆出水麥浪欲浮村  
池靜游魚潑林喧戲雀翻會心非在遠是處亦華園

朝吟

夢窗集  
終朝平野霧冉冉喜初開麥熟村村望綿耕處處催  
啼鶯移樹去飛鷺繞陂回遠認阿咸是青驢柳外來  
哀失母雞兒

稼翁亦祝雞自愛生生理既不殺爲饌又不縛送市  
伏雌有四五啄菽相先後新雛皆下窠各自隨其母  
飲啄仰其背宿息依其翼母雞不少違常在階庭側  
烏鳶莫敢近漸喜成毛羽有狸噬一母偶然失看護  
嗷嗷衆黃口冤呼誰顧復他母擁雛過不曾許追逐  
其禍甚覆巢殄滅在目前欲救恐未能我心但惻然  
呼兒用意視朝暮謹收放米粟與虫蟻雜投隨其量

視人如視母其意良可悲嗟爾縱獲全報復非能爲  
我欲爲設機捕得輒磔之匪快一時心庶可懲羣狸

次朱夫子山北記行十二章韻

念我出城初春日風以陰蒼茫迷所向鼓巖聊往尋  
西北有高樓翼然層澗臨都尉許借我感激在中心

其二

聖恩卽解官惶感更何說投閒蓋云晚誰論復就列  
吾弟要同處床几爲我設翳然白石村且停東歸轍

其三

城闕未敢遠淹此東門東飄風常發發零雨亦濛濛

來時草新綠到後花始紅時物易變易春序已云窮  
其四

華嶽國之鎮獨立白雲表層霄與相近衆峰皆見小  
人但仰峻嶒誰能造窈窕空翠壇上望惟見低徊鳥  
其五

有軒高且幽坐送朝暮暉池魚互游泳林鳥相與飛  
俯仰我多慚微爾亦誰依爾自來親人可以兩忘機  
其六

有柳翳其門有桑繞其屋歸來如我廬莫問是誰築  
此君又所喜新笋迸青玉亦有一小齋明窗書可讀

其七

瞻彼重興洞少時屢往遊羣峰外險阻衆壑內清幽  
城墉雖屹然人物難容稠時憂抑有甚於此費綢繆  
其八

世道日交喪誰復究其始是非劇顛倒相指為蜮鬼  
惟彼欺世徒心迹同譎詭 蒼梧渺何許倫義痛淪  
圯

其九

有酒盈我觴我心豈永傷蒼松自挺然風絮太顛狂  
浮雲亦掩翳白日無晶光去矣耕我田任彼相講張

其十

我居平丘里爰有五畝宅雖設元亮門徒立相如壁  
歸去有何好不負彼山碧蕪沒舊田園從茲可日闢

其十一

洞洞斗川水間閒企華堂堂開綠野臨實維松楸傍  
朝夕攀我栢霜露涕常滂既往猶可追終焉守井疆

其十二

登丘杖須持臨水席不設優游自無累野老何曾別  
有時騎牛歌扣角以為節餘年度如許誰問何時月

夢窩次純行韻

三徑松篁久翳如七年今始到吾廬從今永作歸休  
計先檢床頭散帙書

疊前韻示李溱

村翁問我意何如投老能安野外廬閱歷風波憂畏  
甚人間已有絕交書

寄疎齋李公順命

空林積雨掩柴門誰識簾軒一老存滿塢竹陰分案  
牘三池荷氣共隣村休官已自忘榮辱謝世何曾記  
怨恩有意東陂管小築暮年兄弟對籬藩近處有堪築者故

云云

其二 屬疎齋

遲徊未忍遠 脩門嘗藥餘  
憂耿耿存佳氣每瞻雲  
裏 闕閒情且寄水邊村  
誠深保護還招謗迹涉優  
游亦戴 恩問舍求田猶未晚  
欲從何處起幽藩闕

卜居之意故及之

其三 屬睡村

出晝遲遲戀 闕門一生憂國至  
誠存秦關紫氣千  
言老邵圃青瓜十里村  
握手挽行曾異禮開心賜  
批獨 殊恩秋風乍動憂仍解  
會見歸帆落水藩睡

村寓往十里村舍

次

疎齋

一出春明隔九門尚憐衣袖舊香存  
憂心獨夜鬢邊雪陳迹十年江上村  
三至幸無慈母惑此生難報 聖君恩  
元龍習氣今休問夢媿南湖竹裏藩

次

睡村

荒郊矮屋草爲門潦倒殘骸一綫存  
未死猶瞻天北極求歸空憶水東村  
風波踏地何時定蝼蟻容身到底  
恩旅泊更愁無着處夜來淫雨壞垣藩

次士敬寄示韻

籬外水田何漠漠白鷺飛來拳一脚幽人乘興亦出  
戶却向林塘散杖烏杖烏翩然隨所之竹露荷風盈  
我衣衣上緇塵無復存世路何須論險夷

申獻納靖夏挽

人間仙鶴下翱翔蕭散風流翰墨場瀛館至榮辭避  
遠湖亭絕勝往來常偶為幕客蓮依水乍作臺臣筆  
挾霜野外留詩何處去玉樓回首白雲長

竊聞新村寓中趙台幼亮秦采自三浦乘舟上  
來睡村相公亦赴會顧此所居稍遠獨不得與  
焉不勝瞻望遂用前韻寄意

相望荒郊各掩門盍簪何處好期存三湖談屑翻驚  
座十里楚音稍出村世路睢盱寧掛意江干漫浪亦  
銜恩獨憐老稼齋中客身似懸瓠但守藩

次

疎齋

同人郊野共關門時盍朋簪好約存桂棹重廻剡  
水月鳩筇亦訪朗陵村過從無乃還成罪閒適惟  
知各荷恩更有新詩如對面莫愁匏繫在籬藩

次

幼亮

聯翩赤舄出青門共是郊原晚計存偶向疎齋陪  
睡相猶嫌石壘隔新村江間散置直吾分野外追

攀亦 聖恩遙想諸公閒事業漫將詩筆着庭藩  
次唐律韻示李漣

森然脩竹裏高枕失炎氛樓爽非冰雪峰奇是火雲  
蟬聲千樹遍荷氣一村分客至仍相挽高吟到夕曛  
新秋郊居次西谿軸中韻

寥寥燕語與鶯歌梧竹秋生坐獨哦催織壁虫鳴已  
切輟耕村特臥常多隣翁愛酒頻留飲京客尋詩遠  
枉過天末疑雲遙入望佇聞涼雨落池荷

次楓溪會席韻

一出淹春夏柴門已稻香對樽朝飲少歌枕晝眠長

藕氣風軒榻槐陰露井床炎蒸有無地誰復遠追涼

金判書鎮圭挽

高文危行自殊倫威鳳成章玉絕磷清學伯夷誰浼  
我賢推廣國 主知臣尋常正議扶經日終始忠言  
屬纊辰觀化猶含嗚咽意九原難瞑在 君親

今年即李尚書光迪丈唱第之周甲也 聖上

聞而竒之特 命有司賜花助宴實曠世異數  
也不佞適屏蟄城外不得與筵只賦二律以伸  
歆艷之懷

青牛柱史是前身再見金門唱第辰頭戴 御花霜

髮耀顏醺 仙醞凍梨春尚能拜跪新恩地還惜凋  
零舊榜人聞喜一筵偏雨露應將華祝向 楓宸

其二

地上神仙煙火身風流耆社太平辰先君再陟龍門  
歲此老新題鴈塔春三日雲街遊並駕六旬金榜少  
餘人華筵引領殘生恨未共稱觴祝 紫宸

曉吟

更籌初絕曉鐘傳開鑰城門欲曙天斷續樵歌關廟  
外淒涼薤曲禾橋邊紛紛羣息方皆動耿耿孤懷可  
獨眠明日欲陳辭退疏未知 天意或垂憐

次人韻

郊外清霜九月中蕭蕭木落已高風繞村菘菜田千  
畝收入長安一望空

特降 手札遣承旨召之不得入城詣 闕  
登對日暮歸家定而趙公正萬士敬皆來會定  
而有詩遂次其韻

半年蹤迹限嚴城 天札新頒愴情宣室席前初  
賜對長安鐘動復聞更東山零雨濛初散 北闕浮  
雲翳却清朝野一時均喜色諸公何以報昇平

其二



落落離懷隔一城寧期此夜與論情卽知聚散元如  
許無奈炎涼忽已更白月迎臨梅塢靜青荷留偃石  
池清糺紛世事從今定誰復胸中有不平

其三

巖城一入是愁城滿目艱虞秉軸情迹慣黃扉慚府  
掾綠疎綠野媿田更輕颺搖樹秋懷切急雨鳴荷曉  
夢清默念殊恩惟盡瘁暮年身計負生平

次定而韻

丁酉

遺恥當年在海東先王志業陋桓公蛟龍誰議爲  
魚日鷹隼常懷逐雀風難作廟堂單宰相只堪田舍

一閒翁欲明義理時人笑天意惟知此老忠

相府未備故頸

云聯

溫泉聯句

時與左揆疎齋李公扈駕

坎德中含陽坤靈釀湯井

疎

中原擅驪山東土最溫

境夢自少疏黃氣疑出砂朱礦

疎

覘脉應深遠盈科

卽俄頃祝融猶讓熱玄冥却失冷

夢

豈獨瘳身瘡亦

能祛眼眚

疎

醫工謝砭炳靈驗捷響影

夢

壽域天昏

絕宗祊吉慶併往迹

光陵記

先朝五歲幸

疎

聖疾沈綿久深宮攝養靜保護責固重遞代憂共  
柄夢嘗藥旣殫技動駕寧微倖

疎

初程已舒暢長

夢窗集  
路采康靖夢玉甃瑞煙藹瑤階晴晝永疎靈液挹盈  
瓢餘波灑沾聚夢乍浴縱取效少愈宜存做疎天  
行復舊健 日光開新景夢曷日可 回鑿誰人不  
延頸疎湖堧作都邑野次排署省夢趨班約聯鑣賜  
浴譏同程土床虫蛇逼紙壁風雨打疎回看宿衛壯  
却喜部伍整枕戈甘露屯擊拆嚴宵警屬歲呼庚癸  
茲邦甚乙丙夢況今宵旰憂比古耕斂省疎供億摠  
蠲租樵蘇遠輸艫追賢香火降起士弓旌乘夢深仁  
洽羣黎甘澍滋新釐憂時義相勉報 主心常耿疎  
媿非醫國手歸上乞骸請夢

次潘岳悼亡韻

借老有成言人事忽乖易窳窳竟莫臨音容渺相隔  
盆歌太曠達亦知悲無益憂深嘗藥地身委夙夜役  
有時念家室往事猶歷歷恍惚死生際永爲難忘迹  
宵長睡常少淚迸時滅壁夢見每依稀徒然心內惕  
苦懷誰與語顧影感形隻衣寒尋舊縫撫迹不嫌拆  
愁來更索酒麴味知新滴人間百歲短地下千年積  
千年可相從何用傷目擊

次白樂天悼亡韻

終年藥院病餘身默念存亡自損神莫道思家歸未

得室中誰有出迎人

其二

重泉消息已茫然轉覺悲涼最老年練事忽聞今夜  
是五更歸夢几筵前

李鎮安 顯益挽

馬耳峰前竹馬迎誰知俄送柳車行絃歌聲輟千家  
泣旛旒謠騰萬事驚可惜半途拋志業應從九地會  
師生山陽每有存亡感淚為吾君再濕纓

家兒以調馬向石郊仍與士敬諸人約會口占  
一律寄之 已友

送客東郊作勝遊阿戎臨沼敞新樓天閑好事方調  
馬水站仙行且捨舟移席竹風時遠送開樽荷雨未  
全收應知跌蕩吟觴地亦念青軒獨臥愁

次士敬韻寄水站之行 庚子

岸花紅纈眼汀草綠連袍百丈牽須緩孤篷揭更高  
沿洄偏惹興應接却忘勞領得千篇富歸舟意氣豪  
聞將泊舟羨湖之間感懷疊前韻

晚泊三洲下知君淚染袍沙鷗留社怨岸樹護墟高  
擁帙研窮苦誅茅卜築勞斯文天欲喪何遽奪人豪  
次庶從弟昌彥賦牧丹寄示韻

洛陽遺種結千房獨殿春紅吐異香王者擬來真富  
貴平章取賞倍輝光堯夫漫解摧傷數永叔猶傳護  
養方晚節終輸籬下菊一般歸思繞鄉庄

閔判書鎮厚挽

聖主真遊向玉欄良臣先引白雲間君能葶蟻知無  
憾我欲從龍痛莫攀盡節始終忠已至銜 恩前後  
命何頑茫茫穹壤餘黃髮獨望 蒼梧灑血斑

伏見 御製中有景賢堂錫宴日一律奉玩摧  
咽彌增攀髯之痛吟詠雖非其時豈容終始無  
言不揆僭猥敢用 御韻投血而書之仍要同

社諸公追伸賡載之忱

我朝三百有三旬 烈祖遺規 聖考遵 御牒再  
題奇事曠者筵初設 異恩臻一枝衰鬢花侵雪五  
酌新杯酒瀉銀泣抱 宸章懷往迹萬年虛負獻觴  
頻

奉別疎齋李相公告 計之行

此別最堪恨銷魂而已哉十年嘗藥久萬里飲冰催  
龍馭追何及燕臺滯獨哀須知 王事重努力早  
歸來

肅宗大王挽詞

五十年間致小康百王誰出我 先王誠存對越天  
惟畏政在憂勤日未遑唐室分朋思欲破周黎靡子  
視如傷合恩禽獸猶知感沒世臣民矧敢忘

破一作去

其二

天遺丕責 一人躬厥位惟艱慎始終歲再 園陵  
霜露感日三筵席緝熙功 孝思優優羹墻際 聖  
學優優禮樂中緬彼方喪隆古制斷然行洗漢唐風

其三

於赫 寧陵志膽薪 神孫繼述庶追伸壇開紫禁  
能忘舊寶鑄黃金若受新三月薦禋誠已格萬年傳

嗣命惟申尊周大義昭星日魯史端應續泣麟

其四

轉圜從古以為難 日月之更競仰看大澤龍亡恩  
更換中天蟾缺影旋團是非已定誰能奪名義斯嚴  
罔或干八字尊崇寧盡德也應鴻烈永無刊

其五

明時羣枉揔伸冤尚有重泉未瞑魂越峽哀鶻號  
魯墓衿陽宿草翳姜原分明 聖祖存微意惻愴  
宸情悟一言前後縟儀真盛德百年光復位仍尊

其六

尋常旰食又宵衣一日孜孜理萬機精力未聞曾告  
倦聰明咸仰不遺微周王疾病勤爲祟夏嗣謳歌喜  
有歸 鶴禁代勞誠至計四方延頸 日重暉

其七

聖筭駸駸六十年閣開靈壽仰輪焉光添 烈祖西  
樓牒榮溢耆臣 北闕筵只擬堯樽長挹斗誰知舜  
駕遽 賓天人間獨有銀杯賜泣想欄花但渺然

其八

顛倒諸臣上殿忙 天崩咫尺劇蒼黃金滕未獲  
先靈佑玉几終承 未命揚龍袞歛來偏掩淚烏號

抱去但摧腸帑銀留作因山費哀痛 慈音泣八方

其九

元知周祔禮宜然虛右當時占吉旣靄靄雲煙京闕  
近蒼蒼松栢 翼陵連 蜃輿宛轉迷寒月 鸞宸  
淒涼掩曉天雨泣千官臨穴痛若爲先蟻蓐黃泉

其十

賤臣奚取本無才猥藉家聲又上台兩世 渥恩同  
嶽海百年酬報乏涓埃精誠夢寐追傷切形像丹青  
遣畫催感激幽明思隕結後先 奎藻爛昭回

純行赴三山春府茅洲有感懷之作遂次其韻

以贈其行

自有琴三尺蕭然仙吏裝  
村聞遍絃誦縣見臥桁楊  
棗實離離爛松芝採採香  
華陽瞻更近水石繞祠傍

其二

不意西南訃胡然次第來  
青山空逝水華麓已蒼苔  
人事遽如許我懷良可哀  
應知元伯觀遙待巨卿廻

其三

莫追南狩駕誰詠北風篇  
天意可知矣人言胡得  
焉安危當此日去就判何年  
仙尉真堪羨三山五馬  
前

其四

此去元名邑俗淳山水清  
知君能製錦媿我忝調羹  
當國雖殊遇憂民豈異情  
相將水蘘操共勉保家聲  
仙源先生祧主移奉于清風  
溪之影堂士敬示書感之作  
遂步其韻却寄

其二

北闕遺章出西山大節彰  
紗籠來映沼金額揭臨堂  
美玉寧隨燬貞松自耐霜  
烏頭雲漢接異數極褒揚

其三

一壑清風韻三池素月痕精神斯自在瞻慕永如存  
喬木森相護高山竦獨尊灤祠題品字大刻此雲根  
雨以挽

器局非流輩蹉跎是使君才優邑還小政簡老猶勤  
五斗身翻辱三山事忍聞碧蘿何處葬羸博有兒墳

其二

宗人皆少我零落半黃泉強壯誠難恃衰癯媿苟全  
論懷誰可者撫迹但森然有淚揮無處低雲渺沃川

其三

老夫仍疾病暮境又分離得札情辭溢開苞食物隨  
白雲非可贈丹棗亦相宜此事今難見追懷祗益悲

除夕感懷

今歲是何歲相因憂與悲 蒼梧魂欲斷黃閣迹偏  
危身老元宜去時艱未忍辭寥寥孤燭夜懷抱有誰  
知

次

三淵

春至憂如海寧惟餞舊悲巖扉驚雪壓板屋受風  
危陶子桃源詠文公桂樹辭一般衰世意到老始  
深知



其二

可怕憑陵勢如忘過密悲銀臺疲應接黃閣耐孤  
危几杖聊願體田園且遣辭由來驚寵辱待有後  
人知

次

申尚書錄

經年病蟄廢絕人事因人傳得感懷詩求  
和之教竊矚近日閣下處義之道若非死  
生禍福不動一髮何能如此不勝欽仰感  
激於中忘其狂率謹步原韻敢此錄奉  
慟結 因山後幽吟字字悲士多懷歛避身獨任

艱危衆怒心應定孤忠死不辭夜天明有鑑何必  
要人知

次士敬守歲韻

龍飛鼎水渺雲天獨抱烏號每泫然此歲奄窮無限  
感今宵可惜不成眠天時回薄頌幡日夜色蒼茫爆  
竹煙耿耿老臣追報志思將盛烈勘青編見差摠裁  
官故云

上元夜士敬來訪袖示閔上舍士澄賦古詩三

篇即疊前韻者而瞻爵既難及其中一篇甚警  
絕不覺擊節嘆賞輒用其韻以歸之未知士澄  
以爲能獲我心否也 辛丑

江海有一士晚向北山處少時志屠龍萬事不經慮  
春色遍玄都秋容淡老圃皓首竟無成窮途嘆日暮  
獨抱賈生憂有涕時如雨出門靡所適對面九疑阻  
但當守吾正何曾恤彼怒富貴本非分臥看雲散聚  
羞言嚇腐鴟寧作處涸鮒

昨者閱上舍又以古詩一篇來示不可無木瓜  
之報遂用前韻自述感懷却寄

頑然此何物時危迷出處悄悄閉東閣一心紛千慮  
終日但垂簾無意窺園圃有時望 西陵蒼蒼松栢  
暮際會感風雲事業慚霖雨區區追報誠坐令賢路

阻我心孰有知一世譏且怒國事已泮渙精神那復  
聚彼羨歸可釣其魚鯉與鮒

次三淵寄示韻

黃扉動靜不須知寒盡春生出脚稀萬事駸駸那復  
振秋荷無力委空池

其二

華山相望果誰高出處元宜各守牢招隱已非今日  
事春流莫洩武陵桃

北嶽亦  
名華山

原韻

首篇  
佚

其二

春來依舊北山高撐拄青冥着脚牢退食委蛇凭  
鳥几馴來海鶴啄金桃

閔上舍用廻字為三疊輒復效嘖而因蒼梧語  
不覺觸感仍述悲懷

年華荏苒又春廻往事依依沒世哀病枕仙糕傳玉  
盒耆筵 御醞醉金杯莫追天上 真遊遠虛擬人

間壽域開悵望欄花何處發抱弓空自泣軒臺丁酉秋在

藥院病劇承命歸家調理而不敢徑就私次出住

雲觀治病一日遣掖隸問疾仍賜九仙王道糕精

次昌彥題和歸去來辭韻

家學從來護士林欲明倫義怨偏深含糊豈遽懲先  
禍嚴重惟知奉 末音久竊巖廊非戀寵常思田里  
自形吟懸車他日成斯志晚菊寒松映素襟

次龍江主人金克光韻却寄

痛結鴿原可復寬舊床風雨不勝寒脩文地下齋高  
志瘼相人間滯老顏性理深功留篋草詩書餘業託  
庭蘭故人一札偏多感滿紙悲辭拭淚看

明陵志感

宿草離離夏木披 先王劍舄萬年斯追懷 恩遇  
無千古忍見光陰奄一棊瞻望白雲魂已斷聽來黃

鳥淚偏滋儼然列侍雙翁仲未死孤臣撫更悲

書畫像顛末

曩余在燕館聞多良畫工最稱張與羅筆法略相同  
 呼來試寫真終始貌不得草草兩綃幅萬里隨歸橐  
 時當摹 天日多眩設采方筵臣請取法猥徹景賢  
 堂因之登香案 天笑一為新形色得失間 聖鑑  
 亦何神顧謂秦畫史惟汝能下筆經營運意匠十分  
 得其七 御幀纔斷手傳神已臻妙 重瞳乃審象  
 玉音嘆惟肖 奎藻極贊美一篇句惟八字字摠  
 華袞珍重未遽發分明雲漢章獲瞻龍飛後天地與

長留賤臣將不朽商家版築賢唐世凌煙功匪功且  
 匪賢胡為圖畫中况得 聖人言丹青倍顏色十襲  
 方寶藏 九重又宣索醜形豈堪近 睿意誠難知  
 留中十日還 寵賚便蕃隨玲瓏玄菴櫃凌亂藍雲  
 段拜受自開封天香凝不散闔門驚且感永世詫榮  
 光引使坐中堂銜悲說衷腸倥侗 兩朝物受知一  
 何誤巖廊久竊位毫髮曾無補丹心固自如白首復  
 何為乃爾一繪事前後侈 恩私微忱徒感激不敢  
 煩稱謝向君致區區涕血但交瀉

差祭社壇見齋庭蟠松枯損感而有作

蟠松不記年永期護社稷一根分三幹離披成羽翼  
偃蓋迎天仗竚籟和仙樂至尊屢臨賞終始勤  
護惜青銅被其身風雨免侵剝蜿蜒自無恙扶持是  
誰力我來天崩後殊非舊氣色東榦忽摧枯鱗甲  
半凋落翠華望不來栽培思舊澤惜哉棟樑姿生  
意何索莫老臣獨遲死覽此長嘆息投血揭紗籠  
宸章宛如昨

視師

我朝御營軍最得兵農制輪番兩朔間操鍊寧或廢  
今因大將病權令中軍替提相亦視師自有已行例

新舊合成陣軍容稍可觀廉頗尚善飯馬援猶據鞍  
戎裝出操場玉帳排雲端按轡入轅門前驅引將壇  
壇上發號令軍中整部伍賊兵乍現形輪砲雜撞鼓  
對壘正酣戰殺聲騰風雨俄然凱歌動意氣已却虜  
收營亞將回試藝羣校出決拾向鵠立四耦分秩秩  
烏號滿月彎白羽流星疾穿札凡幾人施賞有差別  
此事久始有一營歡且驚偶因軍旅事兼寫堙鬱情  
江清合投醪帆高出懸旌白鷗忽飛來似欲尋舊盟  
宣政殿感懷

巋然宣政殿碧瓦映雲天念昔此殿中尋常開法筵

猥隨諸臣後抱經相周旋 威顏咫尺臨衣冠惹香  
煙講論每移時晝漏頻聞傳當時典學誠迴出百王  
前 玉音不復聞 寶座但依然花輒撫陳迹三接  
今無緣傷心白玉堂寥寥垂柳邊

社壇 親禱纔十日而大雨沛然不可無志喜  
之作得古詩一篇仍寓求退之意

不用凡幾月旱氣彌蟲蟲霏微未浥塵焦爍已傷農  
鋤犁勤力廢圭璧祈號窮三池泛蜥蜴五方祀土龍  
出日每杲杲視天但夢夢噉嚼迫民命焚煠熏 聖  
衷桑林豈專美白茅將嬰躬靈壇未將事至誠已感

通熏風忽自南斗北雲氣濃淋浪警曉枕驚起拓窻  
櫳滂沱勢益壯甘霖浩翻空山川昔滌滌溪壑今洶  
洶稿苗勃然興四野歡聲同老農始有言今年應大  
豐秋成信有驗晚稼亦免凶野無捐瘠民衢有含哺  
翁屢豐斯可徵太倉陳陳紅然念理陰陽厥責在三  
公素餐餘十年曾歲調元功灾沴理必致夙宵憂心  
忡只緣 聖心格終看天意從誠得霖雨賢時氣自  
冲融備無非所憂世道判汚隆歸歟此老物有田維  
楊東耕鑿但歌謠優游 聖化中



